

**Communicaziun a las medias dal cussegl dal public SRG.R –
1. seduta 17/20 dals 25 da schaner 2017**

Mustér, ils 02-02-2017

A chaschun da l'emprima seduta da la nova perioda d'uffizi da quatter onns ha il cussegl dal public SRG.R cunzunt laschà s'infurmar davart las structuradas da la SRG SSR e prendì invista da la Chasa RTR. Preschentar e sa preschentar èn stads ulteriurs puncts centrals da quella tschentada.

Sco nova actua e vicepresidenta è vegnida elegida Carmen Dedual da Parsonz. Novs commembers dal gremi èn Selina Caduff, Pascal Gian Caminada, Gion Capeder, Giancarlo Conrad e Gianna Valeria Sonder.

Preschent a la seduta è era stà Oscar Knapp, il president da la SRG.R. El ha prendì la chaschun per orientar da las fatschentas actualas en suprastanza SRG.R ed en la direcziun generala SRG SSR e per dar in sguard en il futur e sin quai che spetga ils gremis directivs en il 2017.

STRUCTURAS SRG SSR

Ladina Heimgartner, la directura da RTR, ha beneventà il nov cussegl dal public SRG.R. Ella sa legra sin ina buna e constructiva collavuraziun ils proxims onns che vegnan ad esser intensivs, betg il davos pervia dal squitsch che vegn fatg da tschertas gruppaziuns e partidas politicas d'abolir la contribuziun da Billag. La mancanza da quest sustegn finanziel fiss ina frida betg surmuntabla per la SRG SSR. Cun agid d'ina preschentaziun detagliada ha la directura skizzà las structuradas, incumbensas, sfidas e spetgas da la SRG SSR.

GUIDA TRAS LA CHASA RTR

Claudia Cathomen (radio) e Giacun Caduff (televisiun) han manà las commembras ed ils commembers dal cussegl dal public tras la Chasa RTR per dar ad els in'invista da las puschidas e mussar co ch'i vegn lavurà en ils differents secturs, en spezial en la sparta da program.

ELECZIUNS EN IL CUSSEGL DAL PUBLIC SRG.R – perioda 2017/2020

Il cussegl dal public SRG.R elegia sez trais commembers da ses gremi.

Sco nov commember ha el elegì Gion Capeder da Casti. L'um da 38 onns è mainafatschenta da l'interpresa KG Gams (societad da consum). El remplazza Romeo Wasescha da Savognin.

Il cussegl ha confermà Ursina Haller (Zernez) e Carmen Dedual (Parsonz).

Sco nova vicepresidenta ed actua ha il cussegl dal public SRG.R elegì Carmen Dedual.

IN SGUARD EN IL FUTUR

Sco lavur da gruppa per la seduta dals 3 da matg 2017 è vegnids tschernids trais temas:

1. Campiunadi mundial da skis alpin a San Murezzan dals 6 fin ils 19 da favrer 2017
2. Marella – emissiuin da radio
3. Minisguard – emissiuin da televisiun per uffants e giuvenils

En lavur da gruppa vegnan quellas emissiuins prendidas sut la marella cun agid d'ina survista dals responsabels da RTR e d'in questiunari davart mintga tema.

Infurmaziuns davart il cussegl dal public SRG.R

Il cussegl dal public è in gremi consultativ independent ch'accumpogna la lavur ed il svilup dal program da RTR Radiotelevisiun Svizra Rumantscha cun constataziuns e propostas. Il cussegl dal public sa raduna per regla quatter giadas ad onn. El observa singulas purschidas da program, emissiuins ed offertas online da RTR. Il cussegl dal public SRG.R procura per in stretg contact tranter ils responsabels dal program ed il public. El sa cumpona da 15 commembers.

Per dumondas ed ulteriuras infurmaziuns:

Roger Tuor, president dal cussegl dal public SRG.R, telefonin 079 436 34 87
Anna Maria Ratti, secretariat SRG.R, telefon 081 255 79 79